

Utval: Fylkeseldrerådet i Hordaland
Møtestad: Møterom 712, Hotel Terminus
Dato: 09.04.2014
Tidspunkt: 10:10 - 14:15

Følgjande faste medlemmer møtte:

Namn	Funksjon	Representerer
Margot Bertheussen	Leiar	PF
Kåre Ystanes	Nestleiar	PF
Monrad Reigstad	Medlem	PF
Anne-Karin Davidsen	Medlem	LOP
Arne Gunnar Trædal	Medlem	FSF
Jette Lunemann Hansen	Medlem	A
Dagfinn Vik	Medlem	FRP

Merknader

Jette Lunemann Hansen kom kl 12:45 og var dermed ikkje til stades under handsaming av dei politiske sakane.

Frå administrasjonen møtte:

Namn	Stilling
Ingeborg Borgen	Rådgjevar, administrasjonsseksjonen
Takle	
Nils Egil Grude	Seniorrådgjevar, Transportplanseksjonen

Sakliste

Utvals-saknr	Innhald	Arkiv-saknr	U.Off.
PS 9/14	Godkjenning av møteinnkalling		
PS 10/14	Godkjenning av sakliste		
PS 11/14	Godkjenning av møtebok forrige møte		
PS 12/14	Busstopp ved Ulset sjukeheim - sak frå fylkeseldrerådet i Bergen kommune.	2014/557	
PS 13/14	Tema fylkeseldrerådskonferansen 2014	2014/557	
PS 14/14	Kollektivstrategi - høyringsuttale	2014/557	
PS 15/14	Referatsak (meldingar)		
RS 7/14	Referat Fylkeseldrerådet - arbeidsutvalet 14.03.14	2014/557	
RS 8/14	Oversikt over større saker til politisk behandling våren 2014 - pr mars	2014/1527	
RS 9/14	Protokoll Nordland fylkes eldreråd 18. og 19. november	2014/557	
RS 10/14	Invitasjon til festmøte og festmiddag i Hordaland 14. mai 2014	2014/558	
RS 11/14	Helsefremjande lokalsamfunn og nærmiljø - konferanse	2014/557	
RS 12/14	Kollektivmeldinga 2013	2014/10805	
RS 13/14	Handlingsplan for trafikksikring i Hordaland 2014-2017	2014/5	

RS 14/14	Høringsutkast til Klimaplanen for Hordaland 2014-2030	2014/12299
RS 15/14	Temadag "Grenselaus kultur?" - i regi av Rådet for menneske med nedsett funksjonsevne	2014/557
RS 16/14	Oversikt økonomi, per 270314	2014/557
RS 17/14	Islandsturen - oppdatering	2014/557
RS 18/14	Medverknadsorgan på Erasmus+-tur	2014/557
PS 16/14	Ymse	

PS 9/14 Godkjenning av møteinnkalling

Saksprotokoll i Fylkeseldrerådet i Hordaland - 09.04.2014

Vedtak

Fylkeseldrerådet godkjente møteinnkallinga.

PS 10/14 Godkjenning av sakliste

Saksprotokoll i Fylkeseldrerådet i Hordaland - 09.04.2014

Vedtak

Fylkeseldrerådet ønsker å få møteprotokollen som egen sak på framtidige sakslistar.

Saka «PS 12/14 Busstopp ved Ulset sjukeheim – sak frå fylkeseldrerådet i Bergen kommune» skal endrast til «PS 12/14 Busstopp ved Ulset sjukeheim – sak frå eldrerådet i Bergen kommune».

Fylkeseldrerådet godkjente sakslista.

PS 11/14 Godkjenning av møtebok forrige møte

Saksprotokoll i Fylkeseldrerådet i Hordaland - 09.04.2014

Vedtak

Fylkeseldrerådet godkjente møteboka frå 06.02.2014.

PS 12/14 Busstopp ved Ulset sjukeheim - sak frå fylkeseldrerådet i Bergen kommune.

Forslag til avgjerd

Saka vert lagt fram utan tilråing.

Saksprotokoll i Fylkeseldrerådet i Hordaland - 09.04.2014

Vedtak

Fylkeseldrerådet vedtek å sende eit brev med informasjon om orienteringa frå Transportplanseksjonen til Bergen kommunale eldreråd.

Fylkeseldrerådet tek saka til orientering.

PS 13/14 Tema fylkeseldrerådskonferansen 2014

Forslag til avgjerd

Fylkeseldrerådet vedtek å ha følgjande områdar som tema på fylkeseldrerådskonferansen 2014 som vert heldt 7.-8. oktober på Hotel Terminus:

Saksprotokoll i Fylkeseldrerådet i Hordaland - 09.04.2014

Vedtak

Fylkeseldrerådet vedtok å ta opp slike tema på eldrerådskonferansen til hausten; Språk i helse og omsorg, resultat frå NorLAG, verdigheit, universell utforming og innspel frå Statens seniorråd.

Fylkeseldrerådet vedtok å gje arbeidsutvalet fullmakt til å følgje opp innleiarar fram til nest møte.

PS 14/14 Kollektivstrategi - høyringsuttale

Forslag til avgjerd

Fylkeseldrerådet vedtek å kome med følgjande uttale til kollektivstrategien:

Saksprotokoll i Fylkeseldrerådet i Hordaland - 09.04.2014

Kåre Ystanes la fram slikt forslag til uttale:

«Fylkeseldrerådet (FYEL) er samd i mesteparten både når det gjeld struktur, tema og føringar som er lagt til grunn i strategien. FYEL er mest opptekne av korleis denne strategien vil virke for den eldre delen av folket i Hordaland, naturleg nok.

Etter FYEL si meining er det sers viktig å auke kollektivtrafikken mest mogeleg slik at ein på best mogeleg vis tek omsyn til miljøet. Det er likevel slik at i mange distrikt der det ikkje er mogeleg å nytte kollektivtilbodet fullt ut, må privatbilen nyttast. Sjølv om det ikkje høyrer heime i ei melding om kollektivstrategi, bør fylkeskommunen heile tida ha fokus på, og oppmode om at folk flest bør gå over til el- og hybridbilar når dei skal skifte bil.

FYEL er og opptekne av at alle kollektive transportmidlar etterkvart bør få universell utforming. Det gjeld ikkje berre transportmidlane, men og haldeplassar o.l.

Det er viktig, slik som meldinga seier, at ein har som siktemål at dei ulike transport-midlane korresponderar med kvarandre. FYEL har motteke ein del klager på at det t.d. ikkje alltid er like god korrespondanse mellom buss og ferje. I regn, snø og kulde er det ikkje så lett for eldre menneske å måtte stå ute om der ikkje finst opphaldsrom eller leskur.

Når det gjeld billett- og takstsystem, er den eldste delen av folket ikkje serleg kjende med mobiltelefonar og app'ar. Difor bør det vere slik at ein framleis bør ha billettsal om bord på bussar, ferjer og hurtigbåtar. Det er etter FYEL si meining og naudsynt å ha takstar og ruter i hefte-form. FYEL har og mange gonger uttalt at ein, på hurtig-gåande båtar, bør gå rundt og selje billetter til eldre og funksjonshemma, serleg i dårleg ver.

Utsagnet i meldinga om at «grunntilbodet i kollektivtrafikken er den lovpålagde skuleskyssen», er FYEL ikkje samd i. Serleg distrikta i Hordaland treng tidlegruter, seinruter og nattruter. I skulefrie periodar bør og rutene gå som vanleg, sjølv om dei er sette opp som «skuleruter».

Når det gjeld bestillingstransport, bør dette utvidast til alle distrikta i Hordaland.»

Anne-Karin Davidsen la fram slikt tilleggsforslag til Kåre Ystanes sitt forslag til uttale som skal stå etter andre avsnitt:

«FYEL meiner og at framkomst for kollektiv- og privat trafikk stadig vert hindra av trailarar med sjåførar som har lita røynsle og som er lite eigna til å bruke på vegane våre.»

Røysting:

Davidsen sitt forslag vart samrøysta vedteke.

Ystanes sitt forslag vart samrøysta vedteke.

Vedtak

Fylkeseldrerådet vedtok å sende inn ei slik uttale til kollektivstrategien i Hordaland fylkeskommune:

Fylkeseldrerådet (FYEL) er samd i mesteparten både når det gjeld struktur, tema og føringar som er lagt til grunn i strategien. FYEL er mest opptekne av korleis denne strategien vil virke for den eldre delen av folket i Hordaland, naturleg nok.

Etter FYEL si meining er det sers viktig å auke kollektivtrafikken mest mogeleg slik at ein på best mogeleg vis tek omsyn til miljøet. Det er likevel slik at i mange distrikt der det ikkje er mogeleg å nytte

kollektivtilbodet fullt ut, må privatbilen nyttast. Sjølv om det ikkje høyrer heime i ei melding om kollektivstrategi, bør fylkeskommunen heile tida ha fokus på, og oppmode om at folk flest bør gå over til el- og hybridbilar når dei skal skifte bil.

FYEL meiner og at framkomst for kollektiv- og privat trafikk stadig vert hindra av trailarar med sjåførar som har lita røynsle og som er lite eigna til å bruke på vegane våre.

FYEL er og opptekne av at alle kollektive transportmidlar etterkvart bør få universell utforming. Det gjeld ikkje berre transportmidlane, men og haldeplassar o.l.

Det er viktig, slik som meldinga seier, at ein har som siktemål at dei ulike transport-midlane korresponderar med kvarandre. FYEL har motteke ein del klager på at det t.d. ikkje alltid er like god korrespondanse mellom buss og ferje. I regn, snø og kulde er det ikkje så lett for eldre menneske å måtte stå ute om der ikkje finst opphaldsrom eller leskur.

Når det gjeld billett- og takstsystem, er den eldste delen av folket ikkje serleg kjende med mobiltelefonar og app'ar. Difor bør det vere slik at ein framleis bør ha billettsal om bord på bussar, ferjer og hurtigbåtar. Det er etter FYEL si meining og naudsynt å ha takstar og ruter i hefte-form. FYEL har og mange gonger uttalt at ein, på hurtig-gåande båtar, bør gå rundt og selje billetter til eldre og funksjonshemma, serleg i dårleg ver.

Utsagnet i meldinga om at «grunntilbodet i kollektivtrafikken er den lovpålagde skuleskyssen», er FYEL ikkje samd i. Serleg distrikta i Hordaland treng tidlegruter, seinruter og natruter. I skulefrie periodar bør rutene gå som vanleg, sjølv om dei er sette opp som «skuleruter».

Når det gjeld bestillingstransport, bør dette utvidast til alle distrikta i Hordaland.

PS 15/14 Referatsak (meldingar)

Saksprotokoll i Fylkeseldrerådet i Hordaland - 09.04.2014

Vedtak

RS 8/14 Oversikt over større saker til politisk behandling våren 2014: Fylkeseldrerådet vedtok at samtlige rådsmedlemar skal få høyringsutkastet til regional kulturplan tilsendt i papirformat.

RS 10/14 Invitasjon til festmøte og festmiddag: Invitasjonen gjekk til leiar og Margot Bertheussen har takka ja. Administrasjonen vil melde henne på.

Fylkeseldrerådet tok dei resterande referatsakane til orientering.

RS 7/14 Referat Fylkeseldrerådet - arbeidsutvalet 14.03.14

RS 8/14 Oversikt over større saker til politisk behandling våren 2014 - pr mars

RS 9/14 Protokoll Nordland fylkes eldreråd 18. og 19. november

RS 10/14 Invitasjon til festmøte og festmiddag i Hordaland 14. mai 2014

RS 11/14 Helsefremjande lokalsamfunn og nærmiljø - konferanse

RS 12/14 Kollektivmeldinga 2013

RS 13/14 Handlingsplan for trafikksikring i Hordaland 2014-2017

RS 14/14 Høyringsutkast til Klimaplanen for Hordaland 2014-2030

RS 15/14 Temadag "Grenselaus kultur?" - i regi av Rådet for menneske med nedsett funksjonsevne

RS 16/14 Oversikt økonomi, per 270314

RS 17/14 Islandsturen - oppdatering

RS 18/14 Medverknadsorgan på Erasmus+-tur

PS 16/14 Ymse

Saksprotokoll i Fylkeseldrerådet i Hordaland - 09.04.2014

Landskonferansen for fylkeseldreråd vert heldt i Drammen 20.-22. mai. Prisen ligg på 4150 kr per person, i tillegg til reise. Påmeldingsfristen er 2. mai. Jette Lunemann Hansen har ikkje moglegheit til å delta.

Busstopp ved Ulset sjukeheim: Nils E. Grude frå Transportplanseksjonen orienterte fylkeseldrerådet om situasjonen. Stedet som det kommunale eldrerådet ønskjer å bruke til busstopp fyllar ikkje Statens Vegvesen sine krav til busstopp, og det er derfor ikkje mogleg å sette opp eit busstoppskilt der per i dag. Når det gjeld kva busstopp som vert oppført og rehabilitert er dette ein prioriteringsliste som vert gjort for heile fylket. Statens Vegvesen tilrår ikkje at dette stoppet vert prioritert høgt på denne listen. Grude sa at det var ein moglegheit for å kunne få dei naudsynte midlane frå Bergensprogrammet, men det krev ein einigheit mellom Bergen kommune, Statens Vegvesen og Hordaland fylkeskommune. Samferdselsavdelinga i fylkeskommunen vil svare eldrerådet i Bergen.

Vedtak

Landskonferansen for fylkeseldreråd: Fylkeseldrerådet vedtek at heile rådet, unntatt Lunemann Hansen, vert påmeldt til konferansen og at alle reiser med billigaste reisemåte.

Busstopp ved Ulset sjukeheim: Sjå sak PS 12/14.